

որով կը հաստատուի թէ արդարեւ անիկա սահմանա-
գլուխին վրայ էր:

Մուհամմէտ Ալի այս քաղաքը առաւ թուր-
քերէն, երբ Սուտանը նուաճեց: Յետոյ թուրքերը ետ
առին, բայց Խոիւ Իսմայիլ փաշա նորէն գրաւեց:

Ան նաւահանգիստ մըն է. ուրկէ ուխտաւոր-
ները կ'երթան Մէքքէ: Հռչակաւոր է մարգարիտի որ-
սորդութեան իբր կայան և ունի իր շուրջը բամպա-
կի դաշտեր:

Ըստ Ագոնցի՝ Սուլազլէն բոլորակ փոքրիկ կղզի
մըն էր, իբր 400 գրկաչափ շրջապատով, Կարմիր ծո-
վուն մէջ հազիւ քարընկէց մը հեռու Ափրիկէի ցա-
մաքէն: Թէև շուրջը խոր է ծովը, բայց շրջակայքը
կը գտնուէին (ծովուն մէջ) բազմաթիւ ժայռեր, իսկ
քիչմը հեռուն՝ մեծ խարակ մը, որով մեծ զգուշութեամբ
պէտք է մօտենալ կղզիին, վասնզի միայն մէկ անցք
կայ: Քաղաքը բարեչէն և հարուստ էր ժթ. դարուն
սկիզբը և նաւահանգիստը կը նստէր կուսակալը կամ
փաշան: Ագոնց արքա Պիշինկ անունը աշխարհագիրի
մը և Տը Լա Հարբ ուղեւորի՝ գրածները Սուաքիսի
մասին չի կրնար իրարու հաշտեցնել, վասնզի առա-
ջինը ըսած է թէ քաղաքը ամուր բերդ ունի, իսկ
երկրորդը ժխտած ոչ միայն բերդի մը, այլ նաև ոեւէ
պաշտպանութեան միջոցի գոյութիւնը, բացի երկու
պզտիկ մարտկոցներէ, որոնք հանդիպակաց ցամաքին
վրայ կը գտնուէին՝ պաշտպանելու համար քաղաքը:
Ագոնց կը խորհի, թէ այս մարտկոցները Պիշինկ
բերդ կոչած է:

Ագոնց կը հաստատէ նսեւ, թէ այս կղզիին
մերձակայքէն կը հաննէ մարգարիտ և ստափ, որոնք
գլխաւոր և բազմաչափ վաճառքներն են քաղաքին:
Բայց կ'ըսէ, թէ անկէ ելած մարգարիտը քիչ մը գեղ-